

Odluka kojom se donosi Zakon o izmjenama i dopunama Zakona o bankama Federacije Bosne i Hercegovine

Koristeći se ovlaštenjima koja su Visokom predstavniku data u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gorenavedenog Sporazuma o implementaciji civilnog dijela Mirovnog ugovora; i posebno uvezši u obzir član II 1. (d) istog Sporazuma prema kojem Visoki predstavnik "pomaže, kada ocijeni da je to neophodno, u rješavanju svih problema koji se pojave u vezi sa implementacijom civilnog dijela Mirovnog ugovora";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za navedene probleme "donošenjem obavezujućih odluka, kada ocijeni da je to neophodno", o određenim pitanjima, uključujući i (prema tački (c) stava XI.2) "mjere kojima se osigurava implementacija Mirovnog sporazuma na cijeloj teritoriji Bosne i Hercegovine i njenih entiteta";

Uzimajući u obzir da izmjenama i dopunama Zakona o bankama Federacije koje je u julu 2002. godine usvojio Parlament Federacije ("Službene novine Federacije Bosne i Hercegovine", broj 41/02) nisu usvojene određene važne izmjene i dopune koje

je radna grupa zadužena za to pitanje preporučila;

Imajući u vidu potrebu za poboljšanjem transparentnosti i odgovornosti osoba zaduženih da vode i upravljaju bankama kako bi se ojačalo povjerenje javnosti i investitora;

Imajući u vidu potrebu proširenja raspoloživih ovlaštenja u slučaju privremene uprave kako bi se na bolji način zaštitio interes ulagača i ostalih povjerilaca banke pod privremenom upravom;

Razmotrivši i uzevši u obzir sve gore navedeno, Visoki predstavnik ovim donosi sljedeću

ODLUKU

kojom se donosi ZAKON O IZMJENAMA I DOPUNAMA ZAKONA O BANKAMA FEDERACIJE BOSNE I HERCEGOVINE

Zakon koji je slijedi i koji predstavlja sastavni dio ove Odluke stupa na snagu u skladu sa članom 5. Zakona, na privremenoj osnovi, sve dok ga Parlament Federacije Bosne i Hercegovine ne usvoji u istom obliku, bez izmjena i dopuna i postavljanja bilo kakvih uvjeta.

Ova Odluka stupa na snagu odmah i objavljuje se odmah u "Službenim novinama Federacije Bosne i Hercegovine".

Sarajevo, 21. oktobar 2002. godine

*Paddy Ashdown
Visoki predstavnik*